

Կ Ա Ր Գ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՄԱՐԶՊԵՏՆԵՐԻ ԿՈՂՄԻՑ ԿԱՏԱՐՎԱԾ
ԱՇԽԱՏԱՆՔՆԵՐԻ ԳՆԱՀԱՏՄԱՆ

1. Սույն կարգով կանոնակարգվում են Հայաստանի Հանրապետության մարզպետների կողմից կատարված աշխատանքների գնահատման հետ (այսուհետ՝ գնահատում) կապված հարաբերությունները:

2. Գնահատման չափորոշիչները լինում են երկու տեսակի՝ հիմնական և լրացուցիչ:

3. Գնահատման հիմնական չափորոշիչներն ընդգրկում են Հայաստանի Հանրապետության գործող օրենսդրությամբ Հայաստանի Հանրապետության մարզպետներին ուղղակի վերապահված լիազորությունները:

4. Գնահատման լրացուցիչ չափորոշիչները ներառում են համապատասխան մարզում այն աշխատանքների կատարումը, որոնք Հայաստանի Հանրապետության օրենսդրությամբ ուղղակի վերապահված չեն մարզպետին, սակայն մարզպետի կողմից՝ Հայաստանի Հանրապետության օրենսդրությամբ իրեն վերապահված լիազորությունների պատշաճ կատարումը կարող է եսկան նշանակություն ունենալ այդ աշխատանքների կատարման վերջնական արդյունքների վրա:

5. Գնահատման լրացուցիչ չափորոշիչները կարող են փոփոխվել յուրաքանչյուր տարի՝ հաշվի առնելով Հայաստանի Հանրապետության կառավարության գերակայությունները և իրականացվելիք ծրագրերը:

6. Գնահատման չափորոշիչները հաստատվելուց հետո համապատասխան իրավասու հանրապետական գործադիր մարմնի կողմից մշակվում են գնահատման

չափորոշիչների մեթոդական ուղեցույցներ (այսուհետ՝ մեթոդական ուղեցույց), որոնք հաստատվում են Հայաստանի Հանրապետության տարածքային կառավարման նախարարի ու համապատասխան հանրապետական գործադիր մարմնի ղեկավարի համատեղ հրամաններով:

7. Հանրապետական գործադիր մարմինները, մեթոդական ուղեցույցները մշակելիս, առաջնորդվում են Հայաստանի Հանրապետության օրենսդրությամբ մարզպետներին վերապահված լիազորություններով:

8. Գնահատման չափորոշիչների միավորների ընդհանուր գումարը պետք է կազմի **100** միավոր: Մեթոդական ուղեցույցներում սահմանված նվազագույն միավորը **0**-ն է, և յուրաքանչյուր գնահատման միավոր ավելանում է **0.5** միավորով:

9. Գնահատվող աշխատանքները գնահատվում են տարեկան մեկ անգամ, որի արդյունքները հրապարակվում են մինչև հաշվետու տարվան հաջորդող տարվա փետրվարի **1**-ը:

10. Գնահատման արդյունքներով մինչև **60** միավորը գնահատվում է անբավարար, **60**-ից մինչև **85** միավորը՝ բավարար, **85** միավորից բարձրը՝ լավ:

11. Համապատասխան հանրապետական գործադիր մարմինը, որի իրավասության սահմաններում է գտնվում տվյալ չափորոշիչի գնահատումը, հաշվետու տարվա ընթացքում իրականացնում է գնահատման աշխատանքները և մինչև հաշվետու տարվան հաջորդող տարվա հունվարի **20**-ը Հայաստանի Հանրապետության տարածքային կառավարման նախարարություն է ներկայացնում համապատասխան մարզպետի գնահատականը՝ այն նախապես քննարկելով մարզպետի հետ:

12. Գնահատման աշխատանքներն իրականացվում են համապատասխան հանրապետական գործադիր մարմնի կողմից, որը վերջնական հրապարակվում է Հայաստանի Հանրապետության տարածքային կառավարման նախարարության կողմից:

13. Համապատասխան մարզպետը, համաձայն չլինելով չափորոշիչի գնահատականի հետ, հատուկ կարծիք է ներկայացնում համապատասխան հանրապետական գործադիր մարմին, որն էլ գնահատականի հետ միասին այն ներկայացնում է

Հայաստանի Հանրապետության տարածքային կառավարման նախարարություն:

14. Հատուկ կարծիքի վերաբերյալ քննարկում է կազմակերպվում Հայաստանի Հանրապետության վարչապետի մոտ կամ Հայաստանի Հանրապետության կառավարության նիստում: Քննարկվող չափորոշիչի վերջնական գնահատականը կարող է փոփոխվել Հայաստանի Հանրապետության կառավարության կողմից:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆ ԱՇԽԱՏԱԿԱԶՄԻ
ՂԵԿԱՎԱՐ

Դ.

ՍԱՐԳՍՅԱՆ

Հավելված N 2
ՀՀ կառավարության 2009 թվականի
մայիսի 21-ի N 562 - Ն որոշման

Չ Ա Փ Ո Ր Ո Շ Ի Չ Ն Ե Ր

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՄԱՐԶՊԵՏՆԵՐԻ ԿՈՂՄԻՑ ԿԱՏԱՐՎԱԾ
ԱՇԽԱՏԱՆՔՆԵՐԻ ԳՆԱՀԱՏՄԱՆ, ԻՆՉՊԵՍ ՆԱԵՎ ԴՐԱՆՑ ՀԻՄԱՆ ՎՐԱ ՁԵՎԱՎՈՐՎՈՂ
ԳՆԱՀԱՏԱԿԱՆՆԵՐԻ ՄԻԱՎՈՐՆԵՐԻ

N	Չափորոշիչները	Առավելագույն գնահատման միավորը	Գնահատականը	Գնահատող մարմինը (մարմինները)
	<u>Գնահատման հիմնական չափորոշիչներ</u>			
1.	Ֆինանսների բնագավառում մարզպետի կողմից կատարված աշխատանքների լիարժեքություն	6		ՀՀ ՏԳՆ ՀՀ ՖՆ
2.	Քաղաքաշինության բնագավառում մարզպետի կողմից կատարված աշխատանքների լիարժեքություն	5		ՀՀ ՏԳՆ ՀՀ ՔՆ
3.	Գյուղատնտեսության բնագավառում մարզպետի կողմից կատարված աշխատանքների լիարժեքություն	4		ՀՀ ՏԳՆ ՀՀ ԳՆ
4.	Տրանսպորտի եւ ճանապարհաշինության բնագավառում մարզպետի կողմից կատարված աշխատանքների լիարժեքություն	3		ՀՀ ՏԳՆ ՀՀ ՏեԿՆ
5.	Հողօգտագործման բնագավառում մարզպետի կողմից կատարված աշխատանքների լիարժեքություն	4		ՀՀ ՏԳՆ ՀՀ ԿԱ ԱԳԿՊԿ
6.	Կրթության բնագավառում մարզպետի կողմից կատարված աշխատանքների լիարժեքություն	5		ՀՀ ՏԳՆ ՀՀ ԿԳՆ
7.	Առողջապահության բնագավառում մարզպետի կողմից կատարված աշխատանքների լիարժեքություն	5		ՀՀ ՏԳՆ ՀՀ ԱՆ
8.	Սոցիալական ապահովության բնագավառում մարզպետի կողմից կատարված աշխատանքների լիարժեքություն	5		ՀՀ ՏԳՆ ՀՀ ԱՍՀՆ
9.	Մշակույթի եւ սպորտի բնագավառում մարզպետի կողմից կատարված աշխատանքների լիարժեքություն	6		ՀՀ ՏԳՆ ՀՀ ՄՆ
10.	Բնության և շրջակա միջավայրի պահպանության բնագավառում մարզպետի կողմից կատարված աշխատանքների լիարժեքություն	5		ՀՀ ՏԳՆ ՀՀ ԲՆ

11.	Անուտրի, հանրային սննդի եւ սպասարկման բնագավառում մարզպետի կողմից կատարված աշխատանքների լիարժեքություն	2		ՀՀ ՏԳՆ ՀՀ ԷՆ
12.	Տեղական ինքնակառավարման եւ հանրապետական գործադիր մարմինների տարածքային ստորաբաժանումների համակարգման բնագավառում մարզպետի կողմից կատարված աշխատանքների լիարժեքություն	6		ՀՀ ՏԳՆ ՀՀ ԱԲՆ ՀՀ ԿԱ ԱԱԾ ՀՀ Ո ՀՀ իրավասու ՀԳՄ
13.	Այլ բնագավառներում մարզպետի կողմից կատարված աշխատանքների լիարժեքություն	4		
13.1	Հայաստանի Հանրապետության օրենքների, Հանրապետության Նախագահի հրամանագրերի, կարգադրությունների, կառավարության եւ վարչապետի որոշումների, ինչպես նաեւ այլ նորմատիվ իրավական ակտերի կատարման ապահովում			ՀՀ ՏԳՆ
13.2	սահմանված կարգով Հայաստանի Հանրապետության տարածքային կառավարման նախարարի միջոցով կառավարության եւ վարչապետի քննարկմանը՝ վերջիններիս իրավասությանը վերապահված հարցերի ներկայացում			ՀՀ ՏԳՆ
13.3	հանրապետական գործադիր մարմինների հետ համագործակցության ապահովում եւ դրանց քննարկմանը վերջիններիս իրավասությանը վերաբերող մարզին առնչվող հարցերի ներկայացում			ՀՀ ՏԳՆ ՀՀ իրավասու ՀԳՄ
13.4	ամենամյա հաշվետվությունների ներկայացում ՀՀ կառավարություն՝ իր գործունեության եւ մարզի ընդհանուր սոցիալ-տնտեսական վիճակի մասին և ընթացիկ հաշվետվությունների ներկայացում ՀՀ վարչապետին			ՀՀ ՏԳՆ
13.5	հանրապետական գործադիր մարմինների կողմից ներկայացված մարզպետարանի աշխատակազմի կառուցվածքային ստորաբաժանումների եւ դրանց ղեկավարների աշխատանքի վերաբերյալ առաջարկությունների քննարկում եւ սահմանված ժամկետում այդ մարմիններին ձեռնարկված միջոցների մասին տեղեկատվության ներկայացում.			ՀՀ ՏԳՆ ՀՀ իրավասու ՀԳՄ
13.6	օրենսդրության կիրառման պրակտիկայի ընդհանրացում, օրենսդրության կատարելագործման վերաբերյալ առաջարկությունների ներկայացում ՀՀ կառավարություն.			ՀՀ ՏԳՆ
13.7	մարզային ենթակայության կազմակերպությունների ղեկավարների՝ օրենսդրությանը հակասող իրավական ակտերի վերացում կամ կասեցում օրենսդրությամբ սահմանված կարգով			ՀՀ ՏԳՆ
13.8	օրենսդրությամբ իրենց վերապահված լիազորությունների շրջանակում մարզի տարածքում պետական սեփականության պահպանության եւ արդյունավետ օգտագործման ուղղությամբ միջոցների ձեռնարկում			ՀՀ ՏԳՆ ՀՀ ԿԱ ՊԳԿԿ

13.9	համապատասխան հանրապետական գործադիր մարմիններին՝ իր կողմից տվյալ բնագավառում կառավարության տարածքային քաղաքականության իրականացման վերաբերյալ սահմանված կարգով տեղեկատվության տրամադրում			ՀՀ ՏԿՆ ՀՀ իրավասու ՀԳՄ
13.10	Հայաստանի Հանրապետության քաղաքացիական ծառայության մասին օրենսդրության կիրառումը մարզպետարանում			ՀՀ ՏԿՆ
13.11	մարզային ենթակայությամբ գործող ՊՈԱԿ-ներին ամրացված և սեփականությունը հանդիսացող գույքի օգտագործման և տիրապետման օրինականության նկատմամբ վերահսկողության իրականացում			ՀՀ ՏԿՆ ՀՀ ԿԱ ՊԳԿՎ
13.12	ՀՀ օրենսդրությամբ մարզպետներին վերապահված զորակոչի կազմակերպման լիազորությունների իրականացում			ՀՀ ՏԿՆ ՀՀ ՊՆ
13.13	լիազորված պետական մարմինն ներկայացված տեղեկատվության հավաստիություն			ՀՀ ՏԿՆ
13.14	Մարզպետների կողմից քաղաքացիների ընդունելության կազմակերպում			ՀՀ ՏԿՆ
ԸՆԴՀԱՄԵՆԸ /հիմնական չափորոշիչների մասով/		60		
<u>Գնահատման լրացուցիչ չափորոշիչներ</u>				
1.	Համայնքների կողմից իրենց սեփական եկամուտների հավաքագրում	8		
1.1	Գույքահարկի հավաքագրում			ՀՀ ՏԿՆ
1.2	Հողի հարկի հավաքագրում			ՀՀ ՏԿՆ
1.3	Գույքահարկի և հողի հարկի գծով ապառքներ			ՀՀ ՏԿՆ
1.4	Համայնքների կողմից հողերի օտարման և վարձակալությամբ տրամադրման արդյունավետություն			ՀՀ ՏԿՆ
2.	Մարզպետների կողմից տնտեսական զարգացման աջակցության մակարդակը	7		
2.1	Մասնավոր ներդրումների ներգրավման աշխատանքներ և նոր աշխատատեղերի ստեղծում			ՀՀ ՏԿՆ ՀՀ ԷՆ
2.2	Մարզում տնտեսական հնարավորությունների բացահայտում			ՀՀ ՏԿՆ ՀՀ ԷՆ
2.3	Մարզպետի կողմից բարդ ընթացակարգով լիցենզավորված տնտեսական գործունեություն իրականացնող տնտեսվարող			ՀՀ ՏԿՆ ՀՀ ԷՆ

	սուբյեկտներին աջակցության մակարդակը			ՀՀ ԲՆ ՀՀ ԷԲՊՆ
2.4	Փոքր և միջին ձեռնարկատիրության աջակցություն			ՀՀ ՏԳՆ ՀՀ ԷՆ
3.	Գյուղատնտեսության բնագավառում կատարված աշխատանքներ	6		
3.1.	Մարզում մշակվող գյուղատնտեսական նշանակության հողերի ծավալի փոփոխություն			ՀՀ ՏԳՆ ՀՀ ԳՆ
3.2	Ոռոգման ջրի համար գումարների հավաքագրում			ՀՀ ՏԳՆ
3.3	Գյուղատնտեսական մթերքների իրացման աջակցություն			ՀՀ ՏԳՆ ՀՀ ԳՆ
4.	Ոչ պետական միջոցների հաշվին արտադրական ենթակառուցվածքների ոլորտում իրականացված աշխատանքների ծավալը	4		
4.1.	Ոչ պետական միջոցներով հաշվետու ժամանակահատվածում իրականացված գազաֆիկացման աշխատանքներ			ՀՀ ՏԳՆ ՀՀ ԷԲՊՆ
4.2	Ոչ պետական միջոցներով հաշվետու ժամանակահատվածում կատարված խմելու և ոռոգման ջրով ապահովելու նպատակով աշխատանքներ			ՀՀ ՏԳՆ
4.3	Մարզային ուղևորատար և համապատասխան մարզի համայնքային ուղևորատար փոխադրումների կազմակերպում			ՀՀ ՏԳՆ ՀՀ ՏԵԿՆ
4.4	Ոչ պետական միջոցներով հաշվետու ժամանակահատվածում իրականացված ճանապարհաշինարարական աշխատանքներ			ՀՀ ՏԳՆ ՀՀ ՏԵԿՆ
5.	Ոչ պետական միջոցներով սոցիալական ենթակառուցվածքների ոլորտում իրականացված աշխատանքների ծավալը	5		
5.1.	Նախակրթական հաստատությունների, համայնքային կենտրոնների մասով			ՀՀ ՏԳՆ ՀՀ ԿԳՆ
5.2	Մշակույթի, առողջապահության ոլորտի հաստատությունների մասով			ՀՀ ՏԳՆ ՀՀ ՍՆ ՀՀ ՍՆ
5.3.	Հանրակրթական դպրոցների, ինչպես նաև դրանց ինտերնետ			ՀՀ ՏԳՆ

	կապով ապահովվածության մասով			ՀՀ ԿԳՆ
6.	Միջազգային կազմակերպությունների հետ համագործակցություն և երկկողմանի հարաբերություններ	3		ՀՀ ՏԿՆ ՀՀ ԱԳՆ
7.	Մարզպետի կողմից կատարված աշխատանքների հանրային իրազեկում	3		ՀՀ ՏԿՆ
8.	Մարզում աղբահանության կազմակերպում և ընդհանուր սանիտարահալածամաշակային իրավիճակը	3		ՀՀ ՏԿՆ ՀՀ ԲՆ
9.	Մարզային ենթակայության կազմակերպությունների, հաստատությունների աշխատավարձերի ժամանակին վճարումներ	1		ՀՀ ՏԿՆ
ԸՆԴԱՄԵՆԸ /ըրացուցիչ չափորոշիչների մասով/		40		
ԸՆԴԱՄԵՆԸ		100		

Մույն աղյուսակում օգտագործվում են հետևյալ հապավումները`

ՀՀ ԿԱ- Հայաստանի Հանրապետության կառավարության աշխատակազմ

ՀՀ ՏԿՆ- Հայաստանի Հանրապետության տարածքային կառավարման նախարարություն

ՀՀ ԲՆ- Հայաստանի Հանրապետության քաղաքաշինության նախարարություն

ՀՀ ԳՆ- Հայաստանի Հանրապետության գյուղատնտեսության նախարարություն

ՀՀ ԲՆ- Հայաստանի Հանրապետության բնակահպանության նախարարություն

ՀՀ ԷՆ- Հայաստանի Հանրապետության էկոնոմիկայի նախարարություն

ՀՀ ԱԲՆ- Հայաստանի Հանրապետության արտակարգ իրավիճակների նախարարություն

ՀՀ ԷԲՊՆ- Հայաստանի Հանրապետության էներգետիկայի և բնական պաշարների նախարարություն

ՀՀ ՏնԿՆ- Հայաստանի Հանրապետության տրանսպորտի և կապի նախարարություն

ՀՀ ԿԳՆ- Հայաստանի Հանրապետության կրթության և գիտության նախարարություն

ՀՀ ԱՆ- Հայաստանի Հանրապետության առողջապահության նախարարություն

ՀՀ ԱՍՀՆ- Հայաստանի Հանրապետության աշխատանքի և սոցիալական հարցերի նախարարություն

ՀՀ ՄՆ- Հայաստանի Հանրապետության մշակույթի նախարարություն

ՀՀ ՄԵՀՆ- Հայաստանի Հանրապետության սպորտի և երիտասարդության հարցերի նախարարություն

ՀՀ ԱԳՆ- Հայաստանի Հանրապետության արտաքին գործերի նախարարություն

ՀՀ ՊՆ- Հայաստանի Հանրապետության պաշտպանության նախարարություն

ՀՀ ՖՆ- Հայաստանի Հանրապետության ֆինանսների նախարարություն

ՀՀ ԿԱ ԱԱԾ- Հայաստանի Հանրապետության կառավարությանն առընթեր ազգային անվտանգության ծառայություն

ՀՀ ԿԱ ՊԳԿՎ- Հայաստանի Հանրապետության կառավարությանն առընթեր պետական գույքի կառավարման վարչություն

ՀՀ Ո-Հայաստանի Հանրապետության ոստիկանություն

ՀՀ ԿԱ ԱԳԿՊԿ- Հայաստանի Հանրապետության կառավարությանն առընթեր անշարժ գույքի կադաստրի պետական կոմիտե

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆ ԱՇԽԱՏԱԿԱԶՄԻ
ՂԵԿԱՎԱՐ

Դ.

ՍԱՐԳՍՅԱՆ